

49

hominem sanctificandum , si tanto est melius quod accipitur , quanto melior est per quem traditur : tanta est in accipientibus Baptismorum varietas , quanta in Ministris diversitas meritorum . *S. Aug. contra Cresc. l. 3. c. 6.*

A B S U R D U M II.

Si vera esset Novatorum opinio , essemus semper anxii & incerti de Sacramenti validitate . Quomodo de istis securi erant , si conscientia dantis attenditur , quæ latet oculos accepturi ? Ita secundum eorum sententiam sit salus illa spiritalis incerta . *S. Aug. l. 2. contra litt. Petil. c. 3.*

A B S U R D U M III.

Semel admissa ista Wiclefitarum opinione , sequitur , quod melius sit Sacramentum in uno quam in altero , sicut unus Minister alium vitæ sanctitate antecellit ; unde *S. Aug. loco cit. c. 6.* ait : „ Si ex innocentia baptizantis expectatur , ut fiat innocentia baptizati , tanto erit quisque innocentior , quanto innocentiorum , a quo baptizetur , invenerit , & tanto minus ipse erit innocens , quanto & ille , a quo baptizatur . „ Et si forte contra aliquem tenet odium qui baptizat , hoc & illi , qui baptizatur , imputabitur .

§. XVII. Plures etiam Theologicæ rationes ex libris *S. Augustini contra Donatistas* Hæreticorum paradoxum convellunt . Primo : Ministri Sacramentorum Sacraenta conficiunt vel ratione potestatis , quam a Deo acceperunt , vel ratione characteris , a Deo illorum Animæ in ipsorum Ordinatione impressi ; sed nec Hæretici ob fidem deperditam , nec mali homines ob amissam caritatem amittunt potestatem illam , vel characterem ; ergo etiamsi sint hæretici vel peccatores , ceteris paribus , valide Sacraenta conficiunt ; deinde non bene consoluisset Ecclesiæ suæ Christus Dominus , si Sacramenti validitatem sanctitati Ministrorum alligasset ; plura quippe essent Baptismata nulla & irrita quam valida ; plures confirmationes , consecrationes , absolutiones &c. nullæ quam validæ ; sanctitas enim , juxta *S. Thomam* , deficit , ut in pluribus reperitur , ut in paucioribus . Tandem juxta

Gangaridæ. sub manus ejus.